



Pinkster fokus op die ritmes van die lewe

Deur: ds. Johan Visser

Tom Smith skryf in sy boek *Raw Spirituality* daar is sekere ritmes aan die hart van ons verhouding met Jesus, wat ons lewens as kinders van God, orden. Hierdie ritmes gee aan ons 'n duidelike visie vir ons lewenspad, helderheid oor ons roeping, asook oor ons daaglikse kontak met God, mekaar en alle ander mense, waarsonder ons lewe leeg en doelloos sal wees. Ons benodig hierdie ritmes omdat dit ons help om iewers te behoort. [Lees meer](#)

Kinderpinkster

Die kinderpinksterreeks vir kinders vanaf graad 1-6 is gebaseer op die gemeente se pinksterreeks: Ritmes van die lewe. Vir die jongspan word die tema as "mission possible" verpak om dit vir hulle meer aantreklik te maak. [Lees meer...](#)



'n #Werkbesoek in plaas van huisbesoek

Ds. Johan Visser is opgewonde om 'n nuwe bedieningsmetode, naamlik werkbesoeke, aan lidmate bekend te stel. "Werkbesoeke bied bo en behalwe huisbesoeke, aan ons as leraars 'n bykomende geleentheid om kontak met lidmate te maak," sê Johan. [Lees meer...](#)

Foto links: Blanco Barnard en Johan Visser by Blanco se besigheid *Chaos Computers*.

Die Malherbes getuig van oorfloedige genade

Deur: Esmé Malherbe

Ons gesin het laas jaar 'n groot skrik, maar met 'n gelukkige einde, beleef. Ons deel dié storie uit dankbaarheid as 'n getuigenis vir die genade wat ons ontvang het.

Die langnaweek van 24 September 2021 het ons saam met familie by De Wetsbaai in Bettysbaai gekuier. Ons seun, Liam, toe 17 jaar oud, neem graag foto's en het vroegoggend op die 25ste opgestaan om die sonsopkoms op kamera vas te vang. [Lees meer](#) . . .



Die basaar was eersteklas

Die basaar het die mooi opbrengs van R86 000 gelewer en was ook vir oud en jonk 'n heerlike saamkuiergeleentheid.

Karen Visagie en Lindy van Wyk de Vries, basaarorganiseerders, vertel dat die kerrie-en-rys, roosterkoeke en pannekoeke die gewildste kositems op vanjaar se basaar was. Die aktiwiteite wat vir kinders aangebied is, veral die skyfskiet, het ook baie goeie aftrek geniet. Karen en Lindy beoog om volgende jaar die aktiwiteite vir kinders uit te brei en oorweeg selfs 'n talentkompetisie, asook 'n kindermark, waar die jongspan geleentheid gebied sal word om hulle entrepreneursvernuf ten toon te stel. [Lees meer...](#)



Ek glo . . . in die kerk

Deur: ds. Marius Breytenbach

Dit is tans Paasfeestyd en binnekort breek Pinkstersondag aan wat ons herinner aan die uitstorting van die Heilige Gees 50 dae na Jesus se opstanding.

Die eerste gelowiges het gou besef hoe hierdie gebeure hulle lewens aangeraak het. Christus se dood en opstanding het hulle geloof in nuwe lewe en God se heerskappy oor alles, versterk. [Lees meer . . .](#)



Deon Maree behartig voortaan die gemeente se terrein

Deon Maree is 'n man met baie ysters in die vuur en geen onbekende gesig in Stellenberg-gemeente nie. Hy en sy vrou, Rhoanné, saam met hom op die foto, is die afgelope twintig jaar lidmate van die gemeente en Deon het ook eiehandig die gemeentebasaar van 2019 georganiseer.

Deon en Rhoanné is ook al etlike jare pleegouers vir 'n familiekind en dié jongman is vanjaar 'n eerstejaarsstudent aan die Universiteit van Stellenbosch. [Lees meer . . .](#)

René se passie vir mense in nood lei tot 'n meestersgraad

Ds. René Potgieter het te midde van die Covid-19-pandemie en as besige ma van twee tienerseuns en ook voltydse gemeenteleraar, haar hand boonop aan verdere studie gewaag en haar meestersgraad aan die einde van verlede jaar aan die Universiteit van Stellenbosch behaal. [Lees meer . . .](#)



'n Pom-pon-spekboom ter nagedagtenis

Kallie Vlok, 'n jare lange lidmaat van die gemeente en een van die flukse kwekers van die Kweek-vir- die-Here-span vertel dat hy onlangs na die radioprogram, Omgewingspraatjies, op die RSG-radiostasie geluister het, toe die hantering van 'n afgestorwene se as bespreek is. Tot sy groot verbasing het hy verneem dat die strooi van 'n afgestorwe liggaam se as glad nie 'n omgewingsvriendelike daad is nie. Dit is volgens wetenskaplikes en natuurkenners baie nadelig vir die see, asook vir die aarde.

Kallie vertel dat die kundiges op die radioprogram voorgestel het dat as nie in die natuur gestrooi moet word nie, maar liever in 'n kissie gebêre, of begrawe moet word. [Lees meer . . .](#)



Dis weer uitreiktyd!

Deur: ds. Why Duvenhage

Die Covid-19-pandemie het die gebruikelike jaarlikse uitreike na ons verskeie uitreikgemeenskappe vir twee lange jare in die wiele gery. Dit was vir ons toegewyde uitreikers wat nie hulle geliefde uitreikdorpe kon bereik nie hartverskeurend, maar meer nog vir die jongmense, kinders en ander gemeenskapslede in daardie gebiede wat die insette van ons uitreikbediening baie gemis het.

[Lees meer . . .](#)

Stellenberg-gemeente se betrokkenheid by Boesmansending in Namibië

Deur: Low Bothma

Stellenberg-gemeente is reeds die afgelope sowat 31 jaar by Boesmansending in die noordooste van Namibië betrokke. Dit het begin toe ds. Willem Malherbe en sy vrou, Hildegard, in 1991 die jaarlikse Boesmansendingkonferensie (soos dit destyds bekend gestaan het) bygewoon het. Die gevolg daarvan was dat Stellenberg-gemeente die werksaamhede van ds. Jaco Rossouw van Luhebu-Noord-gemeente, met Mangettuiduin as basis, begin ondersteun het. Alhoewel die bedieningsarea van hierdie gemeente 'n enorme 7 500 km² beslaan, is daar minder as 300 belydende lidmate in die gebied woonagtig!

[Lees](#)

[meer . . .](#)



Foto links: Die kenmerkende bome van die Mangettuiduin. Foto middel: Kanovlei se kerkie. Foto regs: 'n Tipiese



Die jeugbediening wy 'n nuwe fase in

Deur: ds. Marius Breytenbach

Na die impak van die Covid-19-pandemie, asook die bedanking van ds. Hanno Ackerman, jeugleraar, is die jeugkommissie oorgehaal om nuwe lewe in die jeugbediening te blaas. Die gemeente is geseën met 'n energieke en visionêre jeugkommissie, wat die bediening wil uitbou.


[Lees meer . . .](#)

Wie doen wat?

Die leraarspan is weekliks verantwoordelik vir die aanbieding van eredienste, die lei van gedenkdienste, die verbinding van paartjies in die eg, huisbesoeke en die geestelike versorging van lidmate. Daarmee saam is egter ook 'n verskeidenheid ander verantwoordelikhede wat met die effektiewe bestuur van 'n gemeente en die uitleef van ons roeping gepaardgaan. [Lees meer . . .](#)



Leraars van links: Marius Breytenbach (voltydse leraar), Philipp Dietmann (tentmakerleraar), Why Duvenhage (voltydse leraar, wat einde Julie 2022 aftree).



Leraars van links: René Potgieter (voltydse leraar), Theo Swart (bediening van Edelweiss), Johan Visser (voltydse leraar).

Belydeniskamp: 'n Grootse belewenis

Deur: ds. Why Duvenhage

Dit het toe uiteindelik gebeur! Vanaf 8-10 April kon 28 matriekleerders van die gemeente weer, soos voorheen, 'n baie opwindende belydeniskamp beleef. Met die Covid-19-grendeltyd en inperkingsmaatreëls was dit lank nie moontlik om hierdie ervaring op 'n kampterrein te kon meemaak nie, maar danksy baie genade kon ons die kamp hierdie jaar weer aanbied.

[Lees meer...](#)



Hanlie gaan haar fluit soek

Hanlie Reinecke was die afgelope ses jaar die gemeente se terreinbestuurder. Die gemeentekompleks is groot en hier vind weekliks 'n groot verskeidenheid aktiwiteite, van begrafnisse tot sinodale vergaderings en besigheidseminare, plaas. Al die bedrywighede verg kophou en baie goeie beplanning.

[Lees meer...](#)



h.v. Edelweissweg en Mountain Viewrylaan | Eversdal, Wes-Kaap
7550 ZA

www.stellenberg.co.za

Share this email:



[Manage](#) your preferences | [Opt out](#) using TrueRemove™

Got this as a forward? [Sign up](#) to receive our future emails.

View this email [online](#).

h.v. Edelweissweg en Mountain Viewrylaan
Eversdal, Wes-Kaap | 7550 ZA

This email was sent to .

To continue receiving our emails, add us to your address book.

